

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/KANTONALNO TUŽITELJSTVO
TRAVNIK

Broj: T06 0 KTK 0027118 22

Travnik, 15.11.2023. godine

OPĆINSKOM SUDU U KISELJAKU

- Sudiji za prethodno saslušanje -

Na osnovu odredbe člana 45. stav 2. tačka „h“. člana 241 stav 1 i člana 242 stav 1 Zakona o krivičnom postupku Federacije Bosne i Hercegovine, podižem

OPTUŽNICU

Protiv:

1. Rasim Merdžanić, rođen 1958. godine
2. Ešref Salihagić, rođen 1966. godine
3. Nedžad Šehović, rođen 1966. godine

Zbog postojanja osnovane sumnje da su:

U vremenskom periodu počev od mjeseca marta 2016.godine pa do 31.12.2017.godine na području općine Fojnica Rasim Merdžanić, svjestan da organizuje grupu ljudi u cilju činjenja krivičnih djela propisanih Zakonom u Federaciji, što je i htio, organizovao grupu ljudi kojom je i rukovodio u sastavu Ešref Salihagić član organizirane grupe ljudi i Nedžad Šehović član organizirane grupe ljudi, svjesni da djeluju kao članovi organizirane grupe ljudi u cilju činjenja krivičnih djela i htijući to, a sve u cilju da Rasimu Merdžaniću stvore uslove za bespravnu sječu i krađu šume u državnom vlasništvu na kp broj 2167 upisane u z.k. uložak 717 k.o. Ostružnica, općina Fojnica i na taj način sticanje imovinske koristi, nakon čega je

1. Osumnjičeni Rasim Merdžanić kao organizator organizirane grupe ljudi od nepoznate osobe pribavio krivotvoreni zapisnik o obnavljanju i obilježavanju granica između privatne i državne šume, kao i krivotvoreni katastarsko knjižni izvadak općine Fojnica, kopiju katastarskog plana za katastarsku općinu Ostružnica u koje dokumente su uneseni neistiniti podaci o cijepanju parcele kp 2167 površine 2618 m² na dvije parcele i to kp broj 2167/1 površine 2168 m³ šuma treće klase i kp broj 2167/2 površine 10507m² šuma treće klase u kojima dokumentima se navodi kao posjednik Rasim Merdžanić, nakon čega je Rasim Merdžanić podnio zahtjev za sječu drveta u vlastitoj šumi Kantonalnoj upravi za šumarstvo SBK Travnik dana 27.02.2017.godine te uz zahtjev priložio lažnu krivotvorenu dokumentaciju koja je javna isprava i to zapisnik o obnavljanju i obilježavanju granica 01-7133/16 od 27.09.2016.godine, katastarsko knjižni izvadak općine Fojnice od 20.02.2017.godine, kopiju katastarskog plana k.o. Ostružnica od 20.02.2017.godine, zapisnik o izmerenim koordinatama KUŠ Travnik od 27.02.2017. godine, pa svjestan da je dokumentacija koju je predao uz zahtjev za sječu drveta lažna i krivotvorena i da nije mogao postati vlasnik novoformirane parcele kp broj 2167/2 površine 10,507 m², koja je nastala cijepanjem osnovne parcele kp 2167 površine 2168 m², i htijući to, pa je na osnovu takve krivotvorene dokumentacije Kantonalna uprava za šumarstvo nakon što je provedena procedura i na licu mjesta i sačinjena službena zabilješka čuvara šuma da su ispunjeni uvjeti da se istom odobri

sjeća šume na navedenoj parceli, donijela rješenje broj 06-26-30/17 od 27.02.2017.godine da se odobrava Merdžanić Rasimu doznaka stabala za sječu u količini od 95 m³ krupnog drveta na parceli 2167/2, šuma treće klase u površini od 10,507m² zvana Krčevina upisana u katastarsko knjižni izvadak broj 717 ko Ostružnica, pa je nakon izvršene nezakonite doznake od strane Šehović Nedžada šefa odjeljenja Fojnica, Rasim Merdžanić radi krađe izvršio sječu stabala na parceli 2167/2 u površini od 10,507m² po rješenju kantonalne uprave za šumarstvo u količini od 95 m³, kao i sječu stabala koja nisu navedena po rješenju Kantonalne uprave za šumarstvo u količini oko 100 m³, svjestan da vrši sječu stabala na parceli koja je državno vlasništvo, i htijući to, koju oborenu drvenu masu je nakon otpreme od strane Šehović Nedžada prodao drugim osobama, pa je na taj način sebi pribavio imovinsku korist u iznosu od 20.000,00 KM a oštetiio ŠPD/ŠGD Srednjobosanske šume d.o.o. Donji Vakuf za navedeni iznos.

2. Osumnjičeni Salihagić Ešref kao odgovorna osoba u ŠPD/ŠGD Srednjobosanske šume d.o.o. Donji Vakuf na poslovima i zadacima geometra, kao član komisije koju je formiralo ŠPD/ŠGD Srednjobosanske šume d.o.o. Donji Vakuf za obnavljanje i obilježavanje granica, iskoristio svoj službeni položaj kako bi sebi i drugom pribavio kakvu korist a drugom nanese štetu tako što je postupio protivno odredbi čl. 9 st. 4 Zakona o šumama SBK broj 01-02-91/14 i čl.18 Pravilnika o unutrašnjoj organizaciji, Ministarstva poljoprivrede, vodoprivrede i šumarstva broj 02-02-1046/16 od 13.02.2017.godine, te je bez prisustva drugih članova komisije D.E., K.A., P.F. i A.A. izišao na lice mjesta i postavio nove znakove razgraničenja između privatne i državne šume treće klase u površini od 10507 m² obilježio kao privatna parcela i šuma posjednika Rasima Merdžanić, svjestan da bez prisustva svih članova komisije nije mogao izvršiti razgraničenje i postaviti nove znakove između privatne i državne šume, i htijući to, na koji način je omogućio Rasimu Merdžanić da se uknjiži kao posjednik šume u državnom vlasništvu na novoformiranoj parceli 2167/2 površine 10,507 m² šuma treće klase koja je nastala cijepanjem parcele kp 2167 površine 2168 m³, pa je na taj način Merdžanić Rasimu pribavio imovinsku korist u iznosu od 20.000,00 KM.
3. Osumnjičeni Šehović Nedžad koji je zaposlen u KUS-u Travnik kao šef odjeljenja Fojnica i koji je postao član organizirane grupe ljudi u cilju realizacije sječe na bespravno prisvojenoj parceli koja je označena kao državna šuma označena kao kp broj 2167/2 izvršio doznaku stabala za sječu na parceli koja je u naravi šuma treće klase označena kao kp broj 2167/2, svjestan da nije mogao izvršiti doznaku stabala za sječu a da se prethodno nije uvjerio da li postoje granice razgraničenja između privatne i državne šume, i htijući to, čime je kao službena osoba iskoristio svoj službeni položaj kako bi drugom pribavio imovinsku korist a sve protivno odredbi čl. 9 st. 4 Zakona o šumama SBK broj 01-02-91/14 i čl. 18 Pravilnika o unutrašnjoj organizaciji, Ministarstva poljoprivrede, vodoprivrede i šumarstva broj 02-02-1046/16 od 13.02.2017.godine, pa nakon što je Merdžanić Rasim izvršio bespravnu sječu stabala koju je nezakonito doznačio Šehović Nedžad isti je izvršio i otpremanje posjećenih stabala u cilju pribavljanja imovinske koristi Rasimu Merdžanić a pored doznake stabala za sječu u količini od 95m³ doznačio i otpremio još oko 100m³ drvene mase koju je Rasim Merdžanić nakon izvršene sječe nezakonito prisvojio i prodao, pa je na taj način Merdžanić Rasimu pribavio imovinsku korist u iznosu od 20.000,00 KM.

Čime da su počinili

1. Rasim Merdžanić krivično djelo Udruživanje radi činjenja krivičnog djela iz čl. 340 st. 1 KZ F BiH , krivično djelo Krivotvorenja isprave iz čl.373 st. 2 u vezi stava 1 i krivično djelo Šumska krađa iz čl. 316 st. 2 KZ F BiH, a u vezi sa članom 54 KZ F BiH,
2. Ešef Salihagić krivično djelo Udruživanje radi činjenja krivičnog djela iz čl. 340 st. 2 KZ F BiH u sticaju sa krivičnim djelom Zloupotreba položaja ili ovlašćenja iz čl. 383 st. 2 KZ F BiH,
3. Šehović Nedžad krivično djelo Udruživanje radi činjenja krivičnog djela iz čl. 340 st. 2 KZ F BiH u sticaju sa krivičnim djelom Zloupotreba položaja ili ovlašćenja iz čl. 383 st. 2 KZ F BiH,

Na osnovu odredbe člana 114, 115 stav 1 i 383 stav 4 KZ F BiH, predlažem da se od osumnjičenih oduzme imovinska korist pribavljena krivičnim djelom.

KANTONALNI TUŽILAC